

---

**SRG SSR idée suisse**

# update

1/07

---

## Impressum

### Editura

SRG SSR idée suisse  
Communicaziun d'interpresa, 3000 Berna 15  
info@srgsrideesuisse.ch

Redacziun Katrin Hemmer, Daniel Steiner

Translaziun Ladina Parli

Design [www.publicis.ch](http://www.publicis.ch)

Producziun, layout e grafica [www.lms-media.ch](http://www.lms-media.ch)

Stampa [www.sondereggerdruck.ch](http://www.sondereggerdruck.ch)

Ediziun tudestga 8000, franzosa: 4000 taliana: 2500

Data da publicaziun 30 da schaner 2007-01-17

«Update» remplazza «Newsletter» da la SRG SSR idée suisse e cumpara er electronicamain en tut ils quatter linguatgs naziunals. La versiun electronica pon ins abunar sin la pagina d'internet [www.srgsrideesuisse.ch](http://www.srgsrideesuisse.ch) u tar il servetsch da mail u chargiar da la rubrica documents sin l'agen computer sco pdf.

## servetsch public – varietad e qualitat

---

- Editorial ▷
  - Idée suisse: il num è er il program ▷
  - Infurmaziun e politica en il center ▷
  - Amplamain cultura ▷
  - Il sport en tut sias dimensiuns ▷
  - Furmaziun audiovisuala attractiva ▷
  - Digitalmain en l'avegnir ▷
- 

[PRINT ALL](#)

## In spievel ed ina part da la Svizra

Mintga di guardan las Svizras ed ils Svizzers en media duas e mez fin trais uras televisiun e taidlan in'ura e mez radio. La part da la SRG SSR idée suisse a quel consum è gronda, cunzunt al primetime. Surtut nossas emissiuns d'infurmaziun chattan ina gronda atenziun. Là mettain nus l'accent sin temas svizzers e politics. Quai vul dir: per las votantas ed ils votants è la SRG SSR ina funtauna impurtanta per furmar l'opiniun. Cun quai n'essan nus betg be in spievel, mabain er ina part da la democrazia svizra.

Er en ils secturs da cultura, sport e furmaziun è la SRG SSR ina partenaria ferma e fidada: ella fa accessibla vastamain la cultura cun rapportar d'ella, dentant er cun crear cultura. Il film svizzer na fiss betg quai ch'el è senza la SRG SSR! La musica svizra è represchentada bain en noss programs. Ed er sport svizzer mussa la SRG SSR èn tutta varietad. En mintga sector rapporta ella tant d'eveniments da grond interess sco er da tals che fascineschan mo pouca glieud, quella dentant fitg.

Uffants e giuvens n'emprendan betg be en scola, ma er tras la medias. Quai sveglia nossa responsabladad sociala. Nus prendain serius la furmaziun e porschain emissiuns da radio e televisiun d'auta qualitat tematica e formala. E per pudair porscher er tecnicamain in optimum digitalisescha la SRG SSR il radio e la televisiun.

Il cussegl federal ed il parlament han relaschè l'onn passà la nova lescha da radio e televisiun ed approvà ina ferma SRG SSR. 2007 sa tracti da renovar la concessiun da la SRG SSR e da formular concretamain sia incumbensa da prestaziun. I na basta betg d'ademplier ils giavischs d'audituras ed aspectaturs, ins sto er prevair ils basegns futurs. Da preparar in'offerta pli ritga d'invenziuns che la dumonda premetta imaginaziun e la prontezza da ristgar insatg.

Nus ans allegrain sin quai!


Armin Walpen

Directur general SRG SSR idée suisse

## Idée suisse: il num è er il program


La SRG SSR idée Suisse porscha en tut las quatter regions linguisticas ina paletta da programs da radio e televisiun equivalenta. Ina egualisaziun da finanzas pussibilitescha quella equivalenza: la SRG SSR reparta sias entradas tenor ina tscherta clav a las unitads d'interpresa da radio e televisiun regionalas. Quellas drizzan lur programs tenor ils basegns specifics da lur public. Cun success: cun ses programs da radio dominescha la SRG SSR en tut las quatter regions linguisticas. Ses programs da televisiun sa defendan cun success cunter las bleras offertas da l'exteriur da medem linguatg.

### Cuntegn dals 7 programs da televisiun da la SRG SSR (2005)



La SRG SSR porscha en tut ils quatter linguatgs nazionals in radio ed ina televisiun da gronda qualitat per giuven e vegl. Ses programs adempleschan ils giavischs da maioritads e minoritads ed en drizzads tenor ils basegns dal public en las regions linguisticas. Els cumpiglian infurmaziuns regionalas da politica, cultura, societad e sport, dentant era divertiment e musica. Tut tenor il program resp. tenor il public è l'accent plitost tar l'infurmaziun u tar il divertiment. Tut ils programs s'orienteschan tenor temas svizzers – nazionals e regionalas. Tut ils programs han paginas d'internet che cumpletteschan l'offerta cun infurmaziuns e servetschs. Là pon ins repeter cur ch'ins vul emissiuns entiras u singulas contribuziuns.

### Cuntegn dals 16 programs da radio da la SRG SSR (2005)



### Solidaritat tranter las regions linguisticas

En tut la Svizra èn las taxas per recepir radio e televisiun las medemas. Perquai han quels che pajan taxa da tut las regions il dretg d'in'offerta equivalenta da programs da radio e televisiun. En Svizra franzosa, taliana e rumantscha na pon ins dentant betg cuntanscher ina equivalenza mo cun las entradas da la regiun linguistica. Perquai reparta la SRG SSR sias entradas da taxas e reclama tenor ina tscherta clav da finanziaziun tranter sias unitads d'interpresa regionalas. Grazia a quella egualisaziun da finanzas survegnan Radio Suisse Romande (RSR), Télévision Suisse Romande (TSR), Radiotelevisione svizzera di lingua italiana

(RTSI) e Radio e Televisiun Rumantscha (RTR) ina part surproporziunala dals meds e pon porscher perquai programs competitivs en franzos, talian e rumantsch. Il princip da l'egualisaziun da finanzas è acceptà vastamain, er sche la dimensiun dals meds attribuids dat adina puspè la chaschun da criticar e dumandar.

### Emissiuns cuminaivlas

Dapi 1997 producescha la SRG SSR emissiuns che vegnan realisadas da SF TSR, TSI e TvR ensemen ed emessas en tut ils quatter linguatgs naziunals. En ils davos onns han ins pudì guardar en Svizra pliras emissiuns da televisiun coproducidas: suenter «LiteraTour de Suisse», «ArchitecTour de Suisse», «PHOTOSuisse» ed ina seria davart cumponists svizzers era «DESIGNsuisse» la tschintgavla gronda seria da televisiun che la SRG SSR ha deditgà a la varietad ed identitad culturala da la Svizra. «DESIGNsuisse» ha mussà en 25 films curts in panorama varià dal design svizzer modern.


Cun l'emissiun da divertiment en la televisiun «4x4 – Vive la Suisse» ha festivà la Svizra ses anniversari da 75 onns. Susanne Kunz e Massimo Lorenzi han moderà l'emissiun directa cun giasts e stars da tut las quatter parts dal pajais. L'emissiun han ins pudì guardar en november al medem temp sin SF 1, TSR 1 e TSI 1.

Tar il radio retschertgan ils collavuradors da las emprimas chadainas mintga stad davart in tema cuminaivel. 2006 èn els ids a chatscha da fastizs culinarics: «A Tisch! A table! A tavola! A maisa!» sa numnava la seria ch'è vegnida emessa dal radio svizzer DRS 1, RSR La Première, RSI Rete Uno e Radio Rumantsch.


### 42 pertschient da las expensas per idée suisse

42 pertschient da ses meds dovra la SRG SSR per realisar il servetsch public aposta per la Svizra. Cun 600 milliuns francs l'onn ha calculà la controlla fe-

### Egualisaziun da finanzas SRG SSR (2005)




### Volumen d'emissiuins SRG SSR (2005)



derala da finanzas (EFK) ils «custs da l'idee suisse» en ses rapport 2006 davart la rentabilitad da la SRG SSR. Da l'idee suisse fan part per la controlla da finanzas ils custs per l'egualitad dals programs en las regions linguisticas, il sustegn dals purtaders regionalis e locals e l'offerta a l'exteriur. Tuts trais facturs prescriba la concessiun a la SRG SSR. Per la SRG SSR è l'idee suisse en pli il sigil e la mesira per qualitat, credibilitad ed independen-za. Ils programs da la SRG SSR mettan la Svizra e sia varietad en il center e sa differenzieschan uschè d'organisaturs da radio e televisiun privats ed esters.

### Part dal martgà SRG SSR (2005)

24 uras, glindesdi fin dumengia en pertschient



\*\*\* senza Swiss Satellite Radio (Swiss Pop, Swiss Jazz, Swiss Classic)

## Infurmaziun e politica en il center

Cun porscher blera infurmaziun ademplescha la SRG SSR idée suisse ina pretensiun impurtanta dal servetsch public. A las emissiuns d'infurmaziun entaifer ils programs da la SRG SSR dattan las Svizras ed ils Svizzers gronda atenziun ed els las attribueschan ina gronda autenticidad. Cun rapportar en tut ils quatter linguatgs nazionals pussibilitescha la SRG SSR a la populaziun d'esser bain infurmada ed ella gida a furmar ina opiniun. Sco part e spivel da la Svizra sustegna ella la democrazia nazionala.




PHOTO: SFC/CHRISTIAN LANZ

Ina basa per politichers: las emissiuns politicas en la televisiun da la SRG SSR

### Dossiers approfondads en l'internet

Cun sia offerta d'infurmaziun vul la SRG SSR esser persistenta. Tut las paginas d'internet da ses emetturs da radio e televisiun porschan dossiers approfondants tar votaziuns ed elecziuns u tar temas d'interess public. Cun [www.swisspolitics.org](http://www.swisspolitics.org) da [Swissinfo/Radio](http://Swissinfo/Radio) Svizzer Internaziunal dispona la SRG SSR ultra da quai d'ina pagina variada cun novitads, dossiers tar divers temas e bancas da datas davart la politica en Svizra.

La SRG SSR contribuescha considerablaim a la pretensiun che las audturas ed ils aspectaturs en tut la Svizra hajan access a las medemas infurmaziuns. Ella stgaffescha publicitad en sias emissiuns d'infurmaziun e reflectescha eveniments e svilups. Cun quai pussibilitescha ella a la populaziun d'esser bain infurmada ed ademplescha ina funcziun centrala per l'opiniun politica da mintgin.

### Decisiva en il sector d'infurmaziun

Entaifer il sector d'infurmaziun èn ils radio e las televisiuns da la SRG SSR impurtants, quai conferman ils resultats da retschertgas represchentativas adina puspè. Ina gronda part dals dumandads elegia mintgamai las emissiuns dals emprims programs per vegnir infurmada.

En ils programs da televisiun da la SRG SSR ha la part d'emissiuns d'infurmaziun bunamain sa redublada dapi 1995. La quarta part da l'offerta dals set programs da televisiun da la SRG SSR cumpiglia emissiuns d'infurmaziun actualas ed approfondadas.

Er ils radios da la SRG SSR porschan blera infurmaziun. Ils programs da radio da la SRG SSR consistan per in terz d'emissiuns da pled e per dus terzs da musica. La mesadad da las emissiuns da pled èn emissiuns d'infurmaziun cun novitads ed infurmaziuns supplementaras.

### La politica sco accent

En las emissiuns d'infurmaziun da la SRG SSR gioga la politica ina rolla impurtanta. Ina muntada speziala han eveniments politics da purtada naziunala. La SRG SSR pissera per infurmaziuns actualas e cuntinuantas dal cussegl federal, dals departaments e dal parlament. En pli lascha ella far regularmain retscherchas tar temas politics, surtut avant votaziuns ed elecziuns. Dacurt ha ella publictà l'emprim barometer d'elecziuns tar las elecziuns federalas 2007.

La SRG SSR rapporta independentamain d'interess spezials. Ella decida tenor criteris schurnalistics ed independentamain d'influenzas politics, economicas ed autras. Ses schurnalists e redactors èn averts per mintga aspect e mintga punct da vista impurtant per sa far in'opiniun. Els na favurisechan naginas posiziuns ed interess parzials.

### Ina basa autentica

Ils programs da la SRG SSR porschan als politichers e las politicras ina basa per sa preschentar e per sa profilar en la concorrenza dals arguments. Quai na cumpiglia betg be emissiuns da televisiun enconuschantas sco «Arena» da la televisiun svizra, «Infrarouge» da la Télévision Suisse Romande u «Falò» da la Televisione svizzera di lingua italiana. Er en bleras emissiuns da radio vegnan politichers e politicras a pled.

## Amplamain cultura

La SRG SSR fa accessibla la cultura ad ina vasta populaziun. Bleras emissiuns da radio e televisiun sa deditgeschan sulettamain a temas culturalas ed er las emissiuns d'infurmaziun cuntegnan regularmain contribuziuns culturalas. Ad artists e producents da cultura porschan ils programs da la SRG SSR ina basa autentica per sa preschentar. Directamain promova la SRG SSR la cultura en ils secturs da film e musica: cun il Pacte de l'audiovisuel e cun la charta da musica svizra.

Las emissiuns da cultura ed infurmaziun da la SRG SSR rapportan cuntinuadamain d'occurrentas culturalas, d'exposiziuns u da l'ovra la pli nova d'ina artista u d'in artist. La produenziun regiunala da cultura è da gronda muntada. Er la cultura populara è impurtanta: tar eveniments da muntada cultur-populara èn squadras da radio e televisiun da la SRG SSR adina preschentadas. Als artists dat-tan ils programs da la SRG SSR ina basa autentica per survegnir atenziun.

### In program da cultura per mintga regiun linguistica

En las trais regiuns linguisticas grondas da la Svizra emetta la SRG SSR mintgamai in program da cultura cun contribuziuns da pled, musica classica e jazz: DRS 2 en Svizra tudestga, Espace 2

en Svizra franzosa e Rete due el Tessin. En quels trais programs vegn emessa en media 70 pertschient musica, 20 pertschient da la purschida da program consista d'emissiuns culturalas, set pertschient d'emissiuns d'infurmaziun actualas ed approfondantas ed infurmaziuns da servetsch. Las emissiuns da divertiment fan or var trais pertschient dals segunds programs da radio.

### La promotura da film la segund impurtanta

La pitga finanziaria la pli gronda per promover la cultura da la SRG SSR è la promoziun dal film. Sco basa impegnativa per quai ha ella fatg 1996 il Pacte de l'audiovisuel. La SRG SSR e fin ussa sis partenaris dal sector da film promovon sin basa da quel pact la preschientscha e la qualitat dal film svizzer. Entaifer il pact sustegna la SRG SSR

### Contribuziuns da la SRG SSR entaifer il Pacte de l'audiovisuel ( en miu. fr.)

	1996–1999	2000–2002	2003–2005	2006–2008
produenziuns da kino	18	16.5	18	23.4
films d'animaziun	-	-	0.9	0.9
produenziuns da televisiun	10	22.2	22.2	23.7
«Succès passage antenne»	5.2	7.8	9.3	9.9
«Succès Cinéma»	4	3	-	-
<b>Total</b>	<b>37.2</b>	<b>49.5</b>	<b>50.4</b>	<b>57.9</b>



la producziun svizra da films 2007 e 2008 cun mintgamai 19.3 miu. francs. Cun quai è ella la segund gronda promotura dal film suenter la Confederaziun.

Il film svizzer è pli preschent ed ha dapli success che mai er grazia a la SRG SSR. Ils davos onns han ins pudì realisar dapli films documentars e da televisiun, dapli films experimentals e d'animaziun. Er la producziun da films da kino profita. Il program dal festival internaziunal da films a Locarno 2006 illustrescha quai cleramain: 29 dals 170 films mussads èn vegnids stgaffids cun ina participaziun activa da la SRG SSR.

### **Renconuschientscha da la musica svizra**

La SRG SSR ha instituzionalisà l'onn 2004 la col-lavuraziun cun la branscha da musica svizra: la charta da musica svizra promova il renum e la preschientscha da la musica svizra. La SRG SSR s'oblighescha d'emetter en ses programs da radio ina tscherta part da producziuns svizras. Gia avant che suttascriber la charta aveva cuntanschi u perfin surpassà la SRG SSR las directivas da la charta da musica en la gronda part da ses programs da radio.

## Il sport en tut sias dimensiuns

Il sport fascinescha personas da tut gener. Grazia al radio e la televisiun pon accompagnar, deplorar e festivar ils interessents tut quai che lur stars fan. En ses programs mussa la SRG SSR idée suisse l'entira diversidad dal sport: cun emissiuns directas e rapports davos las culissas tant d'eveniments gronds sco da sports a l'ur, tant da chaussas internaziunalas sco da chaussas tipicamain svizras. Ils radios e las televisiuns da la SRG SSR sa deditgeschan sper la producziun d'emissiuns che cuntanschan blera glied er a temas ch'interessan in public pli pitschen.



PHOTO: SFOSCAR ALESSIO

Records d'aspectatur tar las transmissiuns dal CM 2006

### Sport per tut il mund

La SRG SSR pissera sco hostbroadcaster ch'eveniments da sport en Svizra vegnian emess en tut il mund. Organisatur da radio privats e publics en ed ordaifer la Svizra dovran il signal da radio e televisiun da la SRG SSR.

La SRG SSR pussibilitescha a las auditoras ed als aspectatur d'observar il sport directamain. Cun rapportar live da las concurrenzas internaziunalas e naziunalas las pli impurtantas e tschertgadas e cun servetschs da resultats actuals sin internet e sin teletext è ella adina preschenta. Las emissiuns reflecteschan dentant er eveniments, rapportan da davos las culissas e mussan svilups.

### Tematisads passa 60 sports

Sche la SRG SSR sa laschass manar mo da ponderaziuns commercialas na dessi pli naginas emissiuns davart il sport d'impedids u davart sports a l'ur sco p.ex. il tir cun artg u parasgular. Per la SRG SSR èsi dentant impurtant da mussar la realitad dal sport en Svizra. 2005 han emess ils emetturs da televisiun svizzers rapports da bundant 60 differents sports. Gronds emetturs privats (e viepli er dal dretg public) en Europa sa concentreschan dentant sin rapports da dus u trais sports da grond interess public.

Er geners da sport ed eveniments svizzers tradiziunals survegnan regularmain ina plattforma en ils programs da la SRG SSR. Transmissiuns e rapports da lutgar u da mazzacuclas gidan a popularisar quels sports. E la SRG SSR satisfas er ils interess da disciplinas main enconuschentas sco p.ex. il stuschar crappa.

### Eveniments gronds fan part dal program

En ils programs da televisiun da la SRG SSR èn emissiuns da sport impurtantas: mintg'onn èn de-  
ditgadas var 10 pertschient da las minutas d'emis-  
siun al sport. Sper il sport svizzer multifar vegnan  
transmess eveniments gronds internaziunals sco  
campionadis mundials ed europeics da ballape,  
gieus olimpics u cursas da skis pli cumplettamain  
pussaivel – malgrà ch'ìls custs per ils dretgs da  
transmissiun explodeschan. Cun quai ha p.ex.  
pussibilità la SRG SSR als aspectaturs en tut la  
Svizra da perseguitar directamain tut ils gieus dal  
campionadi mundial da ballape 2006.

Las emissiuns da sport dals programs da radio e  
televisiun da la SRG SSR èn bainvesidas. Tar ils ma-  
gnets dal public tutgan transmissiuns directas da  
ballape da la squadra naziunala svizra che gene-  
reschan mintgamai passa in milliun aspectaturs,  
lura cursas da skis ed eveniments gronds, nua  
che sportists svizzers fan part. Las grondas quotas  
d'aspectaturs tar ils success da la barcha a vela  
Alinghi mussan che quai po esser il cas er tar in  
sport main enconuschent.

## Furmaziun audiovisuala attractiva

Ilis giuvens engrondeschan lur savair per gronda part cun las medias. Ilis programs da radio e televisiun da la SRG SSR idée suisse na vulan perquai betg be divertir ils uffants e giuvenils, dentant er furmar els: cun emissiuns per uffants e giuvenils che vegnan producidas u elegidas tenor criteris professionals, cun films documentars adattads per la televisiun en scola e cun plattafurmas d'infurmaziun multimedialas en l'internet. La SRG SSR è ina partenaria cumpetenta da la furmaziun, quai mussa il project naziunal «Pacte multimedia pour la formation».

Ilis resultats da retschertgas mussan: uffants e giuvenils retiran lur enconuschientschas ed opiniuns pli da las medias che da la scola. Quai oblighescha la SRG SSR; ella porscha emissiuns ch'engrondeschan l'orizont dals creschids da damaun, ch'augmentan lur savida e che rinforzan lur abilitad da sa far ina atgna opiniun.

### Emissiuns da furmaziun e basas da savida en l'internet

La televisiun svizra porscha mintga di pliras emissiuns da furmaziun davart ils temas ils pli differents. Tgi che manchenta ina emissiun po empustar u guardar quella sin [www.schulfernsehen.ch](http://www.schulfernsehen.ch). Sin quel portal d'internet chattan magistas e scolasts er material supplementar e tips per l'instrucziun. Offertas da scolaziun supplementara, in forum per scolasts ed il magazin specialisà «Achtung Sendung» cumpletteschan ils servetschs da furmaziun da la televisiun en scola dad SF. En pli installescha SF en l'internet ina plattafurma da furmaziun e savair, il «SF Bildungspilot». La basa da quella plattafurma èn emissiuns actualas e l'archiv da films dad SF. Per quel project ha SF pudì interessar sco emprima partenaria la fundaziun svizra per offertas da furmaziun audiovisualas. Il pilot da furmaziun va 2007 cun ina offerta da basa en l'internet.



Mussavia d'instrucziun sin [www.ideesuisse.ch](http://www.ideesuisse.ch)

www.tsrdecouverte.ch da Télévision Suisse Romande (TSR) cuntegna emissiuns da televisiun educativas, dentant er dossiers entirs davart in tema e gieus. La purschida è dividida tenor vegliadetgna. En ina rubrica speziala chatt'ins cuntegns per magisters, surtut davart dumondas da medias. Per quel project lavura TSR cun las conferenzas d'educaziun da la Svizra franzosa, dal Tessin e da l'universitad da Genevra. En il Tessin observa «Radiotelescuola» dapi onns l'offerta da furnaziun da Radiotelevisione svizzerza di lingua italiana (RTSI). Radiotelescuola fa simposis, edescha cassetas auditivas e discs cumpacts e porchas infurmaziuns per magisters sin [www.rtsi.ch](http://www.rtsi.ch) (rubrica radiotelescuola) e sin la pagina 337 dal teletext da TSI.

### **Pacte multimédia pour la formation**

La SRG SSR posseda en ses archivs gronds documents ed experientschas che pon vegnir utilisadas en il sector da scolaziun e furnaziun supplementara. Cun il project «Pacte multimédia pour la formation» vules ella persvader instituziuns da furnaziun svizras da promover novas tecnologias d'infurmaziun, animar la comunicaziun davart avantatgs e ristgas da la societad d'infurmaziun e pussibilitar l'access interactiv a cuntegns da furnaziun. Perquai propona ella d'installar cuminaivlamain ina plattafurma multimediala en l'internet.

### **[www.ideesuisse.ch](http://www.ideesuisse.ch) – in regal da giubileum a las scolas**

Per ses 25avel anniversari ha la SRG SSR fatg in regal a las scolas svizras: dapi il favrer 2006 metta ella a disposiziun a l'instrucziun numerus documents istorics visuals ed auditivs sin [www.ideesuisse.ch](http://www.ideesuisse.ch). La pagina d'internet gratuita vegn cumplettada d'in mussavia didactic per scolasts.

# Digitalmain en l'avegnir

La tecnica tschenta en tut il mund novs standards da radio e televisiun; il public sa disa vi da qualitäts novas e mida ses cumportament correspondentamain. La SRG SSR accelerescha perquai la modernisaziun da radio e televisiun e digitalisescha tuts dus meds. Cun ina televisiun mobila (DVB-T), cun purtrets d'auta resoluziun, cun ina qualidad dal tun da dolby-surround ed in radio digital senza disturbi (DAB) vul ella porscher la megliera qualidad tecnica pussaivla.

La SRG SSR producescha programs ed ella distribuescha els. Ella transporta il signal dal studio da radio e televisiun tar il public. La distribuziun dals programs da la SRG SSR succeda via cabel, satellit ed antenna e garantescha en Svizra il provediment da basa cun programs da radio e televisiun giavischà da la politica da medias. La SRG SSR sco organisatura da programs ha tut interess da pudair derasar ses programs tant sin las vias classicas sco er sin las vias novas da distribuziun. En consequenza da duas tendenzas mundialas investescha la SRG SSR en tecnicas novas sil sector da radio e televisiun: la concorrenza per la qualidad da purtret e tun crescha e las auditoras ed ils aspectaturs daventan viepli individuals. Mintgin decida viepli sez, tge ch'el consumescha co e cura – tenor la devisa: «adina e dapertut».

## La reacziun a svilups internaziunals

Las auditoras ed ils aspectaturs spetgan bler da la preschentaziun dal program, dentant er da la qualidad da recepciun. L'electronica da divertiment e la concorrenza dicteschan il pass. La SRG SSR s'adatta als svilups, n'aderescha dentant nagina posiziun da manadra da tecnologia. Ella fa da princip ils pass pir, cur ch'in minimum da personas che pajan la taxa pon profitar dal schlargiament u sch'ina midada da tecnologia coordinada internaziunalmain pretenda in schlargiament.

## Il radio e la televisiun digitala

Il matg 2006 ha megliera la SRG SSR la derasa-

ziun da ses programs via satellit. Quai signifitga in augment da la qualidad da maletg e tun e stgafescha novas pussaivladads entaifer ils servetschs supplementars. Per incumbensa dal cussegl federal installescha la SRG SSR per la televisiun ina rait d'emetturs digital-terresters en tut la Svizra (Digital Video Broadcast-Terrestrial / DVB-T). DVB-T optimescha il provediment da regiuns betg bain accessiblas fin qua e pussibilitescha da duvrar apparats da televisiun en moda portabla e mobila. La midada a DVB-T succeda pass per pass ed è terminada 2008. La SRG SSR accelerescha er la digitalisaziun dal radio ed introducescha Digital Audio Broadcasting (DAB). Ella cumplettescha la rait da DAB en etappas: fin 2009 vegn ins a pudair udir en tut la Svizra DAB. DAB garantescha ina recepciun d'auta qualidad senza disturbi e pussibilitescha da tadlar radio senza esser dependent dal lieu u dal temp.

## Optimar la qualidad da maletg e tun

Novs criteris per apparats sco moniturs plats 16:9, purtrets d'auta resoluziun e la qualidad da tun da dolby-surround permettan als consuments d'avair in plaschair cumplet.

La SRG SSR investescha en la televisiun d'auta resoluziun (High Definition Television / HDTV). HDTV augmenta la qualidad dals maletgs da DVD anc ina giada visavi DVB-T e pussibilitescha da resolver il maletg quatter giadas pli bain. Gia oz vegnan registradas en ils studios da la SRG SSR emissions en HDTV.